



Velferðarráðuneytið
Skógarhlíð 6
105 Reykjavík

Reykjavík, 10. september 2018

Efni: Umsögn við endurskoðun á reglugerð 850/2002 um skömmtun lyfja

Vísað er til draga að reglugerð nr. 850/2002 um skömmtun lyfja, sem birt voru í Samráðsgátt stjórnvalda þann 14. ágúst 2018.

Eins og fram kemur í samráðsgáttinni skipaði heilbrigðisráðherra nefnd þann 23. janúar 2018 sem hefur það hlutverk að endurskoða reglugerðir 850/2002 um skömmtun lyfja og reglugerð 241/2004 um val, geymslu og meðferð lyfja á sjúkrahúsum og öðrum heilbrigðisstofnunum. Í nefndinni sitja fulltrúar frá ýmsum aðilum, þ.á.m. Samtökum fyrirtækja í velferðarþjónustu (hér eftir nefnd „SFV“). Nefndin hóf störf í febrúar sl. og hefur unnið að endurskoðun umræddra reglugerða síðan þá.


Umræddar reglugerðir styðja að miklu leyti hvor við aðra. Þannig mun efni reglugerðar um skömmtun lyfja verða túlkað m.a. með hliðsjón af efni reglugerðar um val, geymslu og meðferð lyfja. Er gert ráð fyrir því að í síðarnefndu reglugerðinni verði til að mynda skilgreiningar sem muni hafa áhrif á ákvæði reglugerðar um skömmtun lyfja.

Drög að nýrri reglugerð um val, geymslu og meðferð lyfja hafa ekki enn verið frágengin. Vegna þessa er mjög erfitt, nánast ómögulegt, að taka afstöðu til framkomna draga að reglugerð varðandi skömmtun lyfja. Tekið skal fram að fulltrúar SFV í nefndinni telja störf nefndarinnar hafa gengið vel fyrir sig og að í umræðum innan nefndarinnar hafi verið mikill skilningur fyrir þeim athugasemdum sem SFV hafa gert varðandi gildandi reglugerðir og framkvæmd þeirra.¹ Ekki er hins vegar að sjá, þegar einungis er horft til reglugerðardraganna sem núna liggja fyrir, að texti reglugerðarinn sé að endurspegla þær umræður sem fóru fram hjá nefndinni og taka með afgerandi hætti á þeim athugasemdum sem SFV hafa gert við núgildandi reglugerðir. Skýringin á því getur verið sú að tekið verði af skarið um ákveðin atriði í reglugerð um val, geymslu og meðferð lyfja, en drög að henni liggja ekki enn fyrir.

SFV vilja því ítreka þau sjónarmið sem þegar hafa fram komið af hálfu samtakanna. Er ennfremur óskað eftir því að umrædd reglugerð verði ekki gefin út að sinni, heldur lögð fram til umsagnar að nýju, þegar drög að nýrri reglugerð um geymslu og meðferð lyfja á sjúkrahúsum og öðrum heilbrigðisstofnunum verða sett í umsagnarferli.

Virðingarfyllt,

f.h. Samtaka fyrirtækja í velferðarþjónustu


Eybjörg H. Hauksdóttir, framkvæmdastjóri

¹ Sjá meðfylgjandi bréf SFV til velferðarráðuneytisins dags. 25. ágúst 2017.